

۱۵ رمضان ۱۳۳۱

بازار ایرآسی

۵ اغستوس ۱۳۲۹

عدد — ۵۸

امور اداره و تحریریه و اعلانات و ساثره  
ایچون مدیر مشؤلہ مراجعت ایدمللیدر.

صرفای امتک مقالات متصوفانه لرینه  
جریده صوفیه تک حیفه لری  
آجبقدر .

# جَرِیدَةُ الصُّوفِيَّةِ

شیمدیلک هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباربله ممالك  
عثمانیه ایچون ۴۰ آتی آیلنی ۲۵ فروش  
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود  
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

## فلسفه

بشر

نومبر

### وجود ۱۹

عندالحکما وجود واجبه عين، ممکنه زائد اولدیفنی یوقاریده بیان  
ایتمشدهک . حکما جناب حقه علت العمل اطلاق ایدیور ووجود حتی  
عقل کله علت نامه قبول عقل اول حقدن مفارقت ایتمدیکنی و حقدن  
عقل اوله افاضدن خالی قالدیفنی سویلیورلر ووجود مطابق برطاقم یقود  
ایله تقید ایدیورلر .

بو نقطه لری عی الینک عقیده سی چوروتیور . زیرا ذات احدیتی  
ممولات وعلک خالق عد ایدیور . اوالحسن اشعری به کوره وجود  
واجبه و ممکنه عین ذاتدر . برکرم ذاته نظر ایده جک اولور ابسک  
معرض وجود اولان هر شیک وجودی مسلوب اولدیفنی کلارز وجود  
مطلق تسمیه سی وجوددن قیدی سلب ایچوندن . یوخسه وجوده نسبتده  
نه اطلاق قالور نه تقید، چونکه هویت هیچ بر وجهله مشار الیه موصوف  
اضافت . منسوب و منسوب الیه اولماز . قدم و حدوث وحدت  
و اثرت بونلروامثلی اوصاف و اعتبارات مراتب احکام تنزلاندن دکلدره  
سلسله ممکناتک واجبه انتهایی ضروری اولدیفنی سویلنمش ایدی . بو  
تسلیم ایلمیه جک اولورسه تسلسلی ایجاب ایتمدیکی کی هیچ بر ممکنه  
موجود اولماز . دیمک که هم تسلسلک بطلانی بدیهی و همده ممکنک  
واجبه انتهایی ضروری اولیور . مفهوم وجود ذهنده حاصل اولان  
مفهوماتک کافه سندن مقدمدر . چونکه مفهوم وجود ذهنده تحقق  
ایتمدن مفهومات سائر منک تحققنه امکان عقلی یوقدر .

شو حاله نظر آ وجود کلینک مفهومی دیگر مفهومات کلینک اعمی  
دیمک اولیور . کلینک بو صورتده ترایدی بساطتکده اونستده ترایدی  
ایجاب ایدیور . تراید، دوام و تماندی ایتمدیجه هیچ تعریف ایلمیه جک  
درجه به کلیر .

مفهوم وجود کافه کاباتی محیط برکلی بسیط اولدیفنی جهته تربیتی  
ممکن دکلدر . وجود حقدن کی مطامعز بونلردن عبارتدر . مبدأ وجوددن  
بحث ایلم . قدمای فلاسفه دن بعضیلری زمانی جوهر مجردله تعریف  
ایتمشدر .

بو تعریفه کوره زمان قابل عدم دکلدر . اشاعره به کوره بر زمان متجدد  
مماومدر که انکله بر متجدد مهم تقدیر اولنور . بعض کره مخاطبک معلو .  
ماننه کوره متجددله ارسنده امر تقدیر تما کس ایدر . بعضاً ربکی  
اوتنکی ایله کاه اوتنکی ربکی ایله اولچولور . مثلاً علی نوقت کلدی دنبله  
کونش دوغارکن دینور . اکر کونشک نه زمان دوغدیفنی صورولورسه  
علی کلیرکن دینور . دیمک که اشخاصه کوره زمان اختلاف ایدیور .  
هر بریمز مهم اولانی کندهیمزجه معلوم اولان زمان ایله تقدیر ایدر .

بشر برلفظ معمای الهیدرتنه معانی مترادف سی روجه آتیدر :  
[ فاما من ثقات موازیته ... فهو فی عبثه راضیه وامامن خفت ..  
... فامه هاویه ] . — آیت کریمه لردن بالافتباس — .

بشر حاکم کسایش عالم جو اثری به  
بشر محکوم ایدمش الک کوچک بر حکم زبری به

بشر بعضاً طبیعتدن چیقار بر فیضه مظهردر .  
بشر بعضاً بشر لکدن بیقار بر حاله مصدردر .  
بشر بر قسمی کویا بر دهای خارق العاده  
بشر بر قسمی ده حق مجسمدر غم آزاده

بشر بار تکلیفک قالیر آلتننده بی دربان  
بشر امر و نواهی دیکلهز دهشتلی ز حیوان

بشر قسماً تعالیدار اولور احکام تقدیره  
بشر قسماً توبلدن بریدر حیل تدیره

بشر بعضاً تجلیساز اولور انوار قدسیدن  
بشر بعضاً آده نظامتدار اولور آثار انسی دن

بشر بر قسمی مشغول عبادت ذ کری آتیدر

بشر بر قسمی مألوف سفاقت فکری عاتیدر

بشر قسماً امور خیره سالک عقلی حق بهره

بشر قسماً هوای نفسه اویمش منهمک شره

بشر بر فطرت اعجاز کار دست قدرتدر

بشر ادراکی ترک ایتمدیجه رهپوست غفلتدر

بشر خافاً مالکدن سکره در خلفاً مقدمدر .

بشر بالجله مخلوقات عالمدن مکرمدر

الهی نسخه کبری دیدک بر ذره خلق ایتدک

آنی ادراکدن انسانلری بی بهره خلق ایتدک

شو خوش مخلوق انسانی اساساً درک اولنمازکن

وجود ذات سبحانی ناصل اولماز عقول افکن

تعالی الله تصودن تخیلدن منزهدر .

یویولدن کیتیمان انسان دکل حیوان کرهدر

روحی

و نهانخانه ذات اولان جواهرامانت اشرف عبادات بدیهه‌نی وزمانده دوام و تعاقب باشلادی .

وجوده نسبتله زمان واری ایدی؟ یوقی ایدی؟ اوت دقیقه لر ، ساعت لر ، کون لر ، هفته لر ، سن لر دور و تعاقب ایدوب طور یور . وجوبه یول بوله ماز . اوراده دور و تعاقب زمان تصدور ایدیلورمی ؟ کونش طالع ایدیور ، غروب ایدیور ، حقیقته بویه می ؟ وجوبه نسبت ایدیلور فقط وجوددنده نسبتی قطع ایدیلور . نسبتی وار فقط کیمه دائرة امکانده قالان عماره لر جهت ایکی می اولیور خار جهت بر در ایکی لیکک موجوده بز کندیز محتاج تاویاز جهالت مجسمه صاحبی بز کندیزی تاویل ایدیکمز کی حقیقت باهره‌نی ده تبدیله تاویله قالقارز هراهل حال وارباب کال طریقت حکمتده بدرقه هدایت دگیدر ؟ فضائل عامیه وساحه حقیقته مشمله توفیق اولمازمی ؟ اوقدسیان راه حقیقی کوستر . جناب آفریننده کائناتک عشقی اکلاتیرلر جمیع انبیا اول خالق لم یزلک عشقده عزت ونسبه واصل اولمشلردر . بزم اومحجوب بی نظیره راه اجازتمزک اولدینی وارد خاطر اولسون شه کیم کاشف حقایق اسرار معنوی مولانا جلال الدین رومی مثنوی شریف سعادتردیفنده بویتی بیان ایدر .

تو مکومار ابدان شه بار نیست

با کریمان کارهاد شوار نیست

مثنویخوان

عبدالله

## صیام

و

### فضائل شهر رمضان

بوماه مبارک عالم اسلامیه نه عنوی اساسات بخش ایشدر . بوشهر صیام جمیع کالات ذاتی وشیونی حاویدر . دیمک داخل دائرة اصلدر . مناسبتی تمام وهیچ برظایت اوماه مبارکه یول بوله مامشدر . بامکه بدایت قابلیت بر اثر ظلدر . ( شهر رمضان الذی انزل فیہ القرآن ) بوماه مبارک کره ارضک قطعات مسکونه‌سی دائرة مادر استیلا ایدن اوج یوز میایونی متجاوز اهل اسلامک عالم روحانی به طوغری روابط معنویه واتحاد حقیقیه‌نی تأیید وتشدید ابایان وسائط دینیته‌ک المقدس والک میجالتیرنددر . بوشهر اقدسه هر بره ایرشن فیض وبرکت دریای بی‌نهایدن بر قطره در . بوماه سبب جمعیت تام سال اولدینی کی تفرقه سیده تفرقه تمام سندر . کال صیام محبت ذاتیه‌ک ظهورینه محبت ذاتیه ایسه علامت فناتک باش نوستر مسنه سبب اولور . فناده نیان ما-وای

یوروز قدمای حکمادن بعضیلری مکان هیولادن عبارتدر . یعنی مکان نصل تعاقب اجسامی قبول ایدیورسه هیولادخی اویله جه صور جسمیه‌نی قبول ایدیور . بونک ایچون هیولانک مکانه اطلاق مشارکت لفظیه طریقیله در دیورلر . مکانک صور جسمیه‌دن عبارت اولدیفنده قائلل وار . نصل مکان من جمیع الجهات متمکنی محیط ایسه صورت جسمیه‌ده اویله جه جسمی محیطدر . بونلره افلاطون قائل اولمشدر . طبیعونه کوره جسم محوینک سطح ظاهرینه تماس ایدن جسم حاوینک سطح باطنیدر .

بعضاً مجاز طریقیله جسم تقیالک قونوب طایاندینی سطح اسفله‌ده مکان دینور متمکنسز بقای ممکن ایسه خلا دیرلر . دگسه بوتقدیرده مکان خلانک ابدانندن بشقه ابدانندن عبارت اولمش اولورکه افلاطونک قولنجه ا کا بعد مجرد نامی وبریلور .

بر وجودک ازمان ایچنده استمرارینه حکم ایدوبده اولی اولمیان بر موجودی اثبات نهانسز اوقات متوالیه‌نی و بوده بدایی اولمیان حوادثی اثباته‌مودی اولور دیه برقیبده بولنق طوغری دکادر زرا زمان ووقت بر موجوده مقارن دیکر موجودانندن باشقه‌ریشی دکادر موجودانندن هرهانی موجود اولورسه اولسون اضافت طریقیله دیکر موجوده مقارن اولورسه اودیکر موجودک وقتی اولمش اولور . افلاک حرکتی کیجه وکوندوزک تعاقبی بزه نسبتله اوقانندن عبارتدر . ایکی شیندن برینک یکدیگرینه تعاقی تعقل ایدلرسه شینین بیننده تلازم منطقی به احتیاج یوقدر . اساساً هرموجودی وقته مفتقر فرض ایلک محالی استلزام ایتمزی ؟ وجود زمانه زمان وجوده مفتقردر . دیر ایسک ایشک نرملره وارمچنی اکلازلز .

کائنات صورتخانی ، تعین اتمامش و هیولای عالم شکل و رسمه کبرامش ایکن جهان نکات معانی‌نی حامل دگلی ایدی ؟ سبق ذاتی ایله ساهدر . کائناته نفخ حیات ایدن عشقک اوصاف عالیسی ظهور ایده‌جک اتمامک قابلی ؟ او شمانل عالیته‌ک تأثیر فیوضاتجشاسنی حامل انسان کمالرکله جک بر قدرت تربیت کاری وار او قوتله بتون طبایع تحول ایده‌جک کاله طوغری کیده‌جک عین کال اولان بر وجودی میدانه کتیرجکدر . اوت کائنات عالم عماده رهین احتوا ایکن بر زمان بی‌نشان می ایدی ، نه ایدی ( کان الله ولم یکن معه شی ) او زمانه اشارت می ایدی ؟ الله وار ایدی فقط او ذات اعظم ایله هیچ برشی یوق ایدی . وارلق وجوده تعاق ایدیور . زماندن تجرد ممکن اوله‌میور . اوت کلزار وجود عالم افروز بی نشونما وهفت آسمان ایسه بسته عما دگلی ؟ زمانده علم تعاق ایتموردی بناء علیه زمانده یوق ایدی ( مافوقه هواء ولا تحتیه هواء ) اوت فوق تختنده هواء یوق ایدی فقط زمانده یوق ایدی دیه بیلیرمی ز ایستر ایسه‌کز دیلم بوباید قطعی بر افاده‌ده بولیمیورم مسئله مهمدر ذوقه براقیورم اوبطون او عما مشیمه امکانده تحریک واهتزازده باشلادی بریدازل نوبت خالق تکوینی صارصدی